

Les Bibliothèques Virtuelles Humanistes

Extrait de la convention établie avec les établissements partenaires :

- ces établissements autorisent la numérisation des ouvrages dont ils sont dépositaires (fonds d'Etat ou autres) sous réserve du respect des conditions de conservation et de manipulation des documents anciens ou fragiles. Ils en conservent la propriété et le copyright, et les images résultant de la numérisation seront dûment référencées.
- le travail effectué par les laboratoires étant considéré comme une « oeuvre » (numérisation, traitement des images, description des ouvrages, constitution de la base de données, gestion technique et administrative du serveur), il relève aussi du droit de la propriété intellectuelle et toute utilisation ou reproduction est soumise à autorisation.
- toute utilisation commerciale restera soumise à autorisation particulière demandée par l'éditeur aux établissements détenteurs des droits (que ce soit pour un ouvrage édité sur papier ou une autre base de données).
- les bases de données sont déposées auprès des services juridiques compétents.

Copyright - © Bibliothèques Virtuelles Humanistes

S. RENAISSANCE
155

CATALOGVE DES
TRESILLVSTRES ADMI-
RAVLX DE FRANCE, DEVIS
le Roy Philippes de Valois, iufques à
trespuiffant, tresmagnanime &
tresvictorieux Roy de
France, Henry
deuxieme.

A PARIS,
De l'imprimerie de Michel de Vascosan.
M. D. L V.
PAR PRIVILEGE DV ROY.


2

L'E CATALOGVE DES
NOMS, SVRNOMS, FAICTS ET VIÉS
DES ADMIRAVLX DE FRANCE,
AVEC LA FIGVRE ET BLÀSON
DE LEVRS ARMOIRIES.



CATALOGVE des nobles Admiraulx de France selon leur ordre, parauant appelez Empereurs & dominateurs de la mer, & par les Grecz nómez Theffaliarchi, ayans le gouvernement de la mer en temps de guerre & de paix: en quel temps, & soubz quelz Roys ilz ont exercé leurs offices: ioinct les figures des armoiries & blasons d'icelles. Et ont & doiuent auoir pour interfigne d'office, l'ancre du nauire: denotât iceulx estre gouverneurs, & auoir la superintendance de la mer, & sur tous les nauires & trafiqueurs du Royaume de France.


MESSIRE Anguerran, Syre de Coucy, Admiral de France, l'an mil deux cens quatre uingtz & quatre, du tēps du Roy Philippes de Valois, filz de S. Loys, depuis prisonnier par Roger de Loria, Admiral de laques d'Arragō: & auoit iceluy Anguerran la charge de cōquester le Royaume de Cathelogne: qui par aucuns chroniqueurs est appellé Comte de Coucy. Et portoit facé de vair & de gueulles.



A ij

ADMIRAVLX


MESSIRE Mathieu de Montmorancy, Seigneur de Maffiers, Montfol, Berthinont, Neruille & la Mallemaison en France, filz de Bouchard de Montmorancy, & de Laurence fille de Baudoin l'Edifieur, Comte de Haynault, Admiral de France, du temps de Philippes le Bel: aliàs Philippes de Valois Roy de France, selon Suggester Abbé de S. Denys, mil deux cens quatre uingtz & six: & fut gouverneur de toutes les nauires du Roy de France, qui furent enuoyees en Angleterre & en Syrie, avec Messire Jean de Harcourt. uerifié par les chroniques de Normandie, & Suggester Abbé de sainct Denys en France: & pour iceluy remunerer & recompenser des siennes pertes & peines, le Roy luy donna trois cens onces d'or à son retour. Depuis fut Connestable de France, mil deux cens quatre uingtz & treize. Et portoit d'or à la croix de gueulles, accompagnée de seize alelyons d'azur, au lambel d'argent.



MESSIRE Jean de Harcourt, Admiral de France, du temps de Philippes le Bel Roy de France, mil deux cens quatre uingtz & seize, parauant Marefchal de France, mil deux cens quatre uingtz & six. Et portoit de gueulles à deux faces d'or,



MESSIRE Iean de Chepoix, Admiral de France, du temps du Roy Philippes de Valois, mil trois cens trentecinq. Et portoit d'or à cinq chasteaux de gueulles, passez en fauteur.




MESSIRE Hue Kyeret, aliàs Quyeret, par autres appellé Quyeuret, Admiral de France, du temps de Philippes de Valois Roy de France, l'an mil trois cens trente neuf : qui fut tué par le Roy d'Angleterre, & Messire Robert d'Arthois, sur la mer : & Messire nicolas Buchet Visadmiral fut pendu au mas de sa nef, en despit du Roy de France. Et aduint la desfaiçte des François par orgueil & enuie desdictz deux Admiraulx. Pluseurs tiennent iceulx Quyeret & Buchet auoir esté ensemble Admiraulx, caufans leur ruyne : & que depuis a esté differé d'en establir deux, & non sans cause. Et portoit


A iij

A D M I R A V L X

d'hermines à trois fleurs de liz, au pied nourry ou couppe de gueulles, au baston d'azur brochant sur le tout : & ledict de Buffet d'argent à la bande de sable, chargee de trois coquilles d'or.




MESSIRE Othon d'Ornes, autrement de Hornes, Admiral de France, du temps du Roy Philippes de Valois, l'an mil trois cens quarante & deux. Et portoit d'or à trois trompes de gueulles, ui-rolles d'argent.




MESSIRE Robert de d'Anneual, dict de la Heuse, autrement nomme le Borgne & Baudran de la Heuse, Admiral de Frâce, du teps du Roy Charles le quint, mil trois cens soixante & huit: qui depuis fut priue de l'office. Et portoit de d'Anneual, qui est pallé d'or & d'azur,
au

au chef de gueulles, chargé de trois molettes d'argent, escartellé d'or, à trois houzzettes de sable.




MESSIRE François le Perilleux, Admiral de Frâce au lieu d'iceluy de la Heuse pour sa grâde uieillesse, du temps du Roy Charles le quint, mil trois cens soixante & neuf : & suyuant maistre Nicolle Gilles, mil trois cens soixante & huit. Et portoit de gueulles à deux cheurons d'argent, au chef de mesme, surmonté de gueulles, brisé d'un croissant montant d'azur du premier quanton. Ailleurs se trouue pallé de uair & de sable, au chef d'argent, chargé de trois fleurs de liz d'azur.



MESSIRE Iean de Vienne, seigneur de Coucy: uerifié par maistre Iean Bochet es annales d'Aquitaine : qui par Froissard
A iiij

A D M I R A V L X


est appellé Iaques, Cheualier de l'ordre de Sauoye , Admiral de France, du temps du Roy Charles cinquieme & sixieme, mil trois cens soixante & dixsept : & fut tué mil trois cens nonante & six pres la uille de Nicopoli , par Amurates Bach dict Lamorabaquin , filz de Hugues de Lusignen, & de Marie de Bourbon, appellé le Roy Bafan : qui portoit pour armes de Lusignen , qui est burellé d'argent & d'azur , party de Bourbon es fiennes bandieres, enseignes & estandars. Et portoit ledict de Vienne de gueulles à l'aigle d'or.



MESSIRE Pierre de Vienne, nommé par maistre Nicole Gilles Jean de Vienne, filz de Messire Jean de Vienne ; Admiral de France, du temps du Roy Charles cinquieme & Charles sixieme Roys de France, mil trois cens quatre uingtz & deux. Et portoit de gueulles à l'aigle d'or, à la bordure d'argent.



MESSIRE Regnauld de Tóye, Admiral de France, du temps du Roy Charles VI. l'an M. CCCC V. qui pour sa uieillesse se demist dudiect office, par le moyen de certaine somme de couronnes d'or qu'il meit en ses bouges. Et portoit d'or à la bande d'azur, brifée en chef d'une mollette d'or. On tient qu'il portoit d'or à la bande d'azur, chargée de trois anneletz d'argent.




MESSIRE Climet de Brebant, autrement appelé Clement, Admiral de France, du temps du Roy Charles VI. l'an M. CCCC & VI. qui fut desapoincté de l'office, M. CCCC VIII. par le Duc de Bourgongne ayant le gouvernement de France, obstant qu'il fauorisoit au Roy de France son maistre & naturel seigneur. En son lieu fut subrogué messire Jaques de Chastillon, fauorisant au Duc de Bourgogne. Et portoit de sable au Lyon d'or, escartellé d'or au Lyon de sable, sur le tout de France, au baston componné de gueulles & d'hermines, qui est d'Estampes.




A D M I R A V L X

MESSIRE Jaques de Chastillon, frere aîné du seigneur de Dampierre, Admiral de France, suyuant Monstrellet, du temps du Roy Charles sixieme, l'an mil quatre cens & treize, filz aîné du seigneur de Dampierre, tué à la iournee d'Agincourt. Móstrellet tient qu'il estoit frere aîné du seigneur de Dampierre. Et portoit de gueules à trois palz de vair, au chef d'or brisé d'une molette de fable, du premier quanton, suyuant le blason dudiçt Monstrellet.



MESSIRE Robert de Braquemont, Admiral de France, du temps du Roy Charles sixieme, l'an mil quatre cens dixhuit. Et portoit de fable au cheuron d'argent.



MESSIRE Charles de Lens, Admiral de France, du temps du Roy Charles sixieme, l'an mil quatre cens dixneuf, fauorisant au Duc

au Duc de Bourgogne à son malheur. Et portoit d'or au Lyon de gueulles, à la bordure engreslee de mesme : autrement d'or au Lyon de gueulles, billetté de mesme, à la bordure engreslee de sable.



MESSIRE George de Chasteluz, di& de Beauvais, Admiral de France, du temps du Roy Charles sixieme, l'an mil quatre cens & uingt, grandem& fauorisant au Duc de Bourgogne. Et portoit de gueulles au Lyon d'argent, armé, lampassé & couronné d'or.




MESSIRE Loys de Culant, Admiral de France, du temps au Roy Charles sixieme, l'an mil quatre cens uingthuit, & trente : qui desfeît les Anglois pres de Rouueray. Et portoit d'azur au Lyon

ADMIRAVLX


d'or, semé d'estoilles de mesme: comme m'a esté uerifié par Charles de Culant, seigneur de Jalongnes & de Culant.




MESSIRE Pregent de Coitiuy, seigneur de Raiz & de Coitiuy, Admiral de France du temps du Roy Charles septieme, l'an mil quatre cens trente huit ou trenteneuf: autrement, quarante deux: suyuant Messire Guillaume Cousinot en sa chronique de France, & selon maistre Nicole Gilles, mil quatre cens quarante un: qui fut tué au siege de Cherbourg ou Cefarbourg, l'an mil quatre cens cinquante & un: & parauant Marechal de France, mil quatre cens quarante & deux. La Mer des histoires composee par Brochardus tient qu'apres la mort de Coitiuy, le sire de Buail fut pourueu de l'office d'Admiral de France, approuué par la chronique de Normádie, & par ledict Cousinot mil quatre cens cinquante deux. Et portoit facé d'or & de fable.



MESSIRE Charles d'Aniou, Admiral de France, du temps du Roy Charles septieme, l'an M. CCCCXXXIX. selon Montfrellet, qui depuis fut Cōestable de Frãce, M.CCCCXL. Et portoit de Honguerie, qui est facé d'argent & de gueulles de huit pieces: party de Sicile, qui est semé de France, au lambel de gueulles de quatre pieces: tiercé de Jerusalem, qui est d'argent à la croix potencee d'or, accompagnée de quatre croix d'or: soustenu d'Aniou, qui est semé de France à la bordure de gueulles: & de Barroys, qui est d'azur à deux bars addorfez d'or, semé de croix recroisettees, au pied fiché de mesme: sur le tout d'Arragon, qui est d'or à quatre palz de gueulles.




MESSIRE André de Lual, seigneur de Loheac, Admiral de Frãce, du temps du Roy Charles V M.CCCCXLII. parauât Maréchal de France. Et portoit de Lual, qui est d'or à la croix de gueulles, chargée de cinq coquilles d'argent, au lambel d'hermines.




ADMIRAVLX


MESSIRE Loys de Trye , Admiral de France , l'an mil quatre cens quarantesept, du temps du Roy Charles septieme : mis par aucuns historiens apres Messire Jean, seigneur de Bueil : & par les autres deuant Pregent de Coitiuy, disans auoir esté pourueu d'iceluy office par la mort de Coitiuy. Et portoit d'or à la bande d'azur, chargee de trois annelctz d'argent.




MESSIRE Gilles de Bretagne, seigneur de Raiz, par maistre Nicole Gilles appellé de Rieux, Admiral de France, du tēps du Roy Charles VII, mil quatre cens cinquante, qui fut blessé à la rēcontre de Fourmigni. Et portoit d'hermines, à la bordure eschiquettee d'or & d'azur de trois traictz.



MESSIRE Jean, Syre de Bueil, Admiral de France, du temps du Roy Charles septieme, l'an mil quatre cens cinquante. Messire Guillaume Cousinot & Brochardus le mettēt apres Pregent de Coitiuy, l'an mil quatre cens cinquāte deux: qui fut deposē par le Roy Loys unzieme. Et portoit d'azur au croissant d'argēt, à six croix recroisettees, au pied fichē d'or, escartellē de gueulles; à la croix anctee d'or: sur le tout du Daulphinē, escartellē de Champagne.




MESSIRE Jean d'Audie, bastard d'Armignac, Côte de Cōminge, Admiral de France, M. CCCCIII, IIII, V, & LXVI, du temps du Roy Charles septieme, & Loys unzieme: parauant Marechal de France, & Cheualier de l'ordre S. Michel, M. CCCCXLVIII, du temps du Roy Charles VII. Et portoit d'argent au Lyon de gueulles, contr'escartellē de gueulles au Leopard d'argent: aliàs au Lyon leopardē d'argent, escartellē de gueulles à quatre otelles d'argent, passēes en saulteur, à la cortice de fable brochante sur le tour.




ADMIRAVLX


MESSIRE Iean de Rohan, seigneur de Montaulban, Cheualier de l'ordre S. Michel, Admiral de France, du tēps du Roy Loys unzieme, mil quatre cens soixante & deux, iusques en l'an mil quatre cens soixante & huit, ou soixante six, suyuant Cousinot: qui mourut à Tours, selon l'opinion d'aucuns: & defferra Messire Iean de Bucil, mil quatre cens septante & cinq. Iceluy parauant auoit esté Marechal de France. Et portoit de gueulles à dix macles d'or. 3. 3. 3. 1.



MESSIRE Loys du Signe, bastard de Bourbon, Comte de Rouffillon, Cheualier de l'ordre S. Michel, Admiral de France, du tēps du Roy Loys X I. au lieu dudiēt de Rohan, M. CCCCLXVI. & fut lediēt bastard de Bourbon suspendu, & en son lieu subrogué le Syre de Brosse: depuis desmis, & lediēt Loys de Bourbon restitué, M. CCCCLXXII. selon Messire Guillaume Cousinot: & auoit lediēt bastard espouſé la bastarde dudiēt Roy Loys X I. Et portoit de France à la barre de gueulles.




MESSIRE André de Lual, Seigneur de Loheac & de Brosse, filz de Messire André de Lual, Cheualier de l'ordre sainct Michel, Admiral de France, du temps du Roy Loys unzieme, mil quatre cens soixante & neuf, parauant Mareschal de France, du temps du Roy Loys unzieme, l'an mil quatre cens soixante & un. On tient le pere & le filz n'estre qu'un, qui n'est uerité. Et portoit de Montmorancy la croix chargée de cinq coquilles d'argent, au lambel d'hermines: & lors qu'il fut Admiral, print deux auirons ou rames flamboyans pour deuise, qu'il faisoit porter à deux Lyons, portans son armoirie avec le soleil sur son tymbre, comme on uoit es faulxbourgs de Melun.




MESSIRE Loys Syre de Grauille, ou Girarduille, par aucuns appellé Malet (comme il est dict en l'histoire armorialle) filz de Messire Iean de Grauille deuxieme du nom, Admiral de France, Cheualier de l'ordre sainct Michel, du temps du Roy Charles huitieme, mil quatre cens quatre uingt & treize, & du temps du Roy Loys douzieme, l'an mil cinq cens & un: & est dict Syre, pour ce qu'on dit auoir eu Syre à Grauille, premier que Roy en France, & auoir esté nommé Syres de Grauille par Iules Cesar, & que seuls sont sans tiltre de Roy appelez Syres. Je m'en rapporte à ce qui en est. Et portoit de gueules à trois fermaux d'or.


ADMIRAVLX




MESSIRE Hugues d'Amboise, Admiral de Frâce, & Cheualier de l'ordre saint Michel, du temps du Roy Loys douzieme, l'an mil cinq cens & quatre, nepueu de Messire Charles d'Amboise. La plus saine partie des historiographes tient, entre Grauille & Gouffier n'a uoir eu aucun Admiral en France. Je suis bien assure d'iceluy Hugues d'Amboise, & non de Guy le Roy, seigneur de Chillou, qui ne fut que Visadmiral. Et portoit ledict Hugues pallé d'or & de gueulles, qui par aucuns est appellé Seigneur de Buffy.



MESSIRE Guillaume Gouffier, Seigneur de Bonnyuet, Admiral de France, l'an M. D. & X V. du temps du noble Roy François, tué à Pauie estant Cheualier de l'ordre S. Michel. Et portoit d'or à trois iumelles de sable, escartellé de Montmorancy, qui est d'or à la croix de gueulles, environnee de seize aiglettes ou aleions d'azur.



MESSIRE Philippes Chabot, Comte de Butensais, & de Char-ny, seigneur de Bryon, & gouuerneur de Bourgogne, Cheualier de l'ordre saint Michel, Admiral de France, du temps du noble Roy François, l'an mil cinq cens trente six & quarate un. Et portoit d'or à trois chabotz de gueulles, periz en palz, escartellé de Luxebourg; qui est d'argent au Lyon de gueulles, à la queuë nouée & passée en faulceur, armé, lampassé & couronné d'or: le quart des Baulx, qui est de gueulles à l'estoille à seize raiz d'argent.




MESSIRE Claude de Hennebault, seigneur de saint Pierre, Cheualier de l'ordre saint Michel, Admiral de France, apres la mort dudiect Chabot, mil cinq cens quarate & trois au moys de Ian- uier, du temps des nobles & magnanimes Roys de France François,

ci

ADMIRALX.

premier, & Henry son filz second du nom. Et portoit de gueulles à la croix de uair affronté.



MESSIRE Gaspard de Coligny, Seigneur de Chastillon sur Loing allant, Cheualier de l'ordre saint Michel, gouverneur & lieutenant general du Roy de la uille & cité de Paris & isle de France; Capitaine de cent hommes d'armes, & Coulonnel general des bandes Françoises, Admiral de France apres la mort de Hennebault; soubz le magnanime Henry Roy de France, l'an M. D. LII. filz de Messire Gaspard de Coligny, en son uiuant Marechal de France, & frere de monsieur le Cardinal de Chastillon. Et portoit de gueulles à l'aigle d'argët, membré & becqué d'azur, armé & lampassé d'or.

